



Inatsisartunut ilaasortamut  
Jens-Frederik Nielsen  
Demokraatit

22-12-2022  
Suliap nr.  
Akt. id. 22011058

Postboks 970  
3900 Nuuk  
Tlf. (+299) 34 50 00  
E-mail: isn@nanoq.gl  
www.naalakkersuisut.gl

## Allakkatigut qinersinerit pillugit § 37 naapertorlugu apeqquummut nr. 220-mut akissut

Asasara Jens-Frederik.

Apeqqutinut qujanaq. Apeqqutit matuma kinguliani ataasiakkaarlugit issuarneqarput, akissut kingornaniilluni.

1. Folketingimut qinersineq naammasseqqammersumut Kalaallit Nunaata avataaniit allakkatigut qinersinerit Kalaallit Nunaannut apuutinngitsoortut qassiuppat?

Akissut. Danmarkimi Nunamut namminermut ministereqarfiup apeqqutip matuma akissuteqarfigineqarnissaanut akisussaasuusup, akissutissaannik piniarfiginissaa Naalakkersuisut piffissamut killigititap iluani angumerisinnaasimangilaat.

2. Inatsisartunut qinersineq 2021-mi Kalaallit Nunaata avataaniit allakkatigut qinersinerit Kalaallit Nunaannut apuutinngitsoortut qassiuppat?

Akissut. Ulloq 6. april 2021 Inatsisartunut qinersineq Inatsisartunut qinersisarneq pillugu Inatsisartut inatsisaat 24. november 2020-meersoq naapertorlugu ingerlanneqarpoq. Kapitali 8-mi "Sioqqutsisumik taasinikkut taasineq" sioqqutsisumik taasinissamut suleriaasissat nassuarneqarput. Apeqquteqaammi 'allakkatigut taasinertut' taaneqartoq inatsimmi taaneqarpoq 'sioqqutsisumik taasineq'. Danskite qinersineq pillugu inatsisaanni taamaallaat tamanna 'allakkatigut taasinertut' taagorneqarpoq. Taamaalilluni akissuteqaammi naatsorsuutigineqarpoq apeqquummi 'sioqqutsisumik taasinerit' apeqquteqarfigineqartut.

Sioqqutsisumik taasinerit qassit piffissaagallartillugu anngussimanginnersut Naalakkersuisut paasissutissiisutigisinnaangilaat, tassami taakkua qinersinerup naatsorsuiffigineqarnerani immikkut nalunaarsorneqartanngimmata. Tamatumunnga minnerunngitsumik pissutaavoq, qinersinerup kingorna sioqqutsisumik taasinerit kingusinaarlutik annguttut kommunini qaqugukku tiguneqartarunnaarsimanersut ilisimaneqarsinnaanngimmat. Sioqqutsisumik taasinerit kingusinaartumik tiguneqartut nalunaarsorneqartarnissaannut periarfissat Naalakkersuisut misissorniarpaat. Tamatumani ilaatigut qinersinerup naatsorsuiffigineqartarneranut immikkut suleriaasissat pillugit kommuninut isumaqatigiissuteqarnissaq pisariaqartussaavoq.

Qarasaasiatigut allakkatigut taasinerit suliarineqarnissaannut periaasissaq pilersinneqareerpat,



qarasaasiatigut allakkatigut taasinissamut periarfissiinissaq, qinersinermut inatsit naapertorlugu periarfissaqalertussaavoq.

**3. Inatsisitigut akuerisamik qinersinerit tamarmik qinersinng naammassinnginnerani apuunneqartarnissaat pillugu Naalakkersuisut suliniuteqarnissaminnik pilersaaruteqarnerlutik?**

Akissut. Sioqqutsisumik taasinerit tamarmik, qinersinerup naatsorsorneqarnerani kisitsinermi ilanngunneqarnissamut piffissaagallartillugu kommunimut anngussimanissaasa qulakkeernissaanut, suliniutissat arlallit Inatsisartunut qinersinerit tamaasa Naalakkersuisut aallartittarpaat. Suliniutissat Kalaallit Nunaanni qinersisartunut aammalu qinersisartut Kalaallit Nunaata avataaniittut sioqqutsisumik qinersinissamut periarfissamik atuerusussinnaasunut sammitinneqartarput.

**4. Naalakkersuisut pineqartumut allanik paasissutissiisinnaanerlutik.**

Akissut. Naamik.

Inussiarnersumik inuulluaqqusillunga

Jess Svane